

*„Obilazak Informativnog centra o MKSJ-u bio je jedno od najznačajnijih iskustava koje sam doživjela u Sarajevu. Ismena je bila najbolji predavač koju smo mogli poželjeti. Način na koji je pripovijedala ne samo da me je potpuno zaokupio, već je tokom cijele posjete držao moju punu pažnju. Od samog početka, kada je govorila o historiji grada i Vijećnice, uz čitanje autentičnih svjedočenja žrtava i priča o onome kroz šta su prošle, mnogi od nas nisu mogli zadržati suze. Posebno me impresionirala pažnja posvećena svakom detalju i ogroman trud uložen u postavku Centra. Rekonstrukcija sudnice MKSJ-a, kao i knjige sa spiskovima optuženih i razlozima njihovog procesuiranja, omogućile su nam da dublje razumijemo rad Tribunala. Ipak, najupečatljiviji dio obilaska za mene ostaje prostorija u kojoj se čuvaju originalna vrata koja su preživjela spaljivanje Vijećnice. Još uvijek se jasno sjećam kako smo sjedili na podu dok nam je Ismena govorila o uništenju Vijećnice, milionima knjiga koje su izgorjele i Vedranu Smailoviću koji je svirao violončelo. I danas mogu čuti taj potresni zvuk violončela i svaki put me dirne do suza. To je bilo jedno od najboljih iskustava koje sam doživjela u Sarajevu.“ – Anvita Choudhury, studentica Ženevske akademije za međunarodno humanitarno pravo i ljudska prava*

---

*„Zaista sam uživala u posjeti Informativnom centru o MKSJ-u, gdje sam napokon imala priliku vlastitim očima vidjeti prostor u kojem su donesene presude u najznačajnijim predmetima koje sam proučavala tokom LL.M. studija na Ženevskoj akademiji. Smješten u prelijepoj sarajevskoj Vijećnici, Centar nam je, uz stručno vodstvo Ismene, približio historiju procesuiranja međunarodnih zločina počinjenih na području bivše Jugoslavije pred MKSJ-em. Imali smo priliku obići prostoriju u kojoj su donesene presude i gdje je ostvarivana pravda. Posebno sam cijenila njeno znanje, uvid u rad i historijski kontekst MKSJ-a, kao i stručnost i senzibilitet kojima je predstavila stvarne dokazne materijale izvođene pred Tribunalom.“ – Ottavia Soldini, studentica Ženevske akademije za međunarodno humanitarno pravo i ljudska prava*

---

*„Nakon što sam historiju sukoba i rad MKSJ-a proučavao kroz knjige, posjeta Informativnom centru u Sarajevu bila je potpuno drugačije i veoma potresno iskustvo. Vidjeti dokumentaciju Tribunala, svjedočenja i njegovo naslijeđe na mjestu gdje su se mnogi od tih događaja odigrali učinilo je njihov ljudski značaj mnogo neposrednijim. Posjeta me je dodatno potaknula na razmišljanje o važnosti istinske odgovornosti, ne samo za osobe koje su neposredno odgovorne za međunarodne zločine, već i za društva koja su tim zločinima bila pogođena. Također je pokazala koliko je očuvanje historijskog pamćenja važno u suprotstavljanju poricanju, odavanju počasti žrtvama i sprječavanju da prošli zločini budu zaboravljeni ili iskrivljeni. I sama zgrada dodatno doprinosi ovom iskustvu – iako je tokom rata bila spaljena, danas je obnovljena i vrijedi je posjetiti zbog njene ljepote, ali i historije koju nosi.“ – Paolo Sovran, student Ženevske akademije za međunarodno humanitarno pravo i ljudska prava*

---

---

*„Posjeta Informativnom centru o MKSJ-u bila je zaista iskustvo koje otvara oči. Pojednosti o žrtvama koje je Ismena podijelila s nama bile su potresne i istovremeno su nas ispunile dubokim poštovanjem. Sudnica, fotografije, priče, izloženi predmeti i entuzijazam s kojim je gospođa Čaušević govorila o historiji rata u Bosni i Hercegovini ostavili su snažan utisak na mene. Bila mi je velika čast posjetiti historijsku Vijećnicu i imati priliku doživjeti historiju u njenom najautentičnijem obliku.“ – Shaksham Shahi, student Ženevske akademije za međunarodno humanitarno pravo i ljudska prava*

---

*„Kao studentica smatram da je izučavanje međunarodnog humanitarnog prava izuzetno važno. Međutim, ako ono ostane samo u učionicama i udžbenicima, postoji opasnost da se udaljimo od njegovih temeljnih ciljeva i onoga što ono zapravo nastoji zaštititi. Slušajući o zločinima počinjenim tokom rata u Informativnom centru o MKSJ-u, još sam jasnije shvatila te ciljeve, ali i razloge zbog kojih sam odlučila studirati međunarodno humanitarno pravo. Ova posjeta podsjetila me koliko je važno ostati vjeran njegovom zaštitnom duhu.“ – Eva Phajishvili, studentica Ženevske akademije za međunarodno humanitarno pravo i ljudska prava*

---

*„Najviše me impresioniralo to što obilazak humanizira pravni proces. Kroz fotografije i historijski kontekst posjetioce podsjeća na strahote rata i na činjenicu da su u središtu međunarodne pravde prije svega žrtve, preživjeli, svjedoci i zajednice pogođene nezamislivim zločinima.“ – JP Leo, student Ženevske akademije za međunarodno humanitarno pravo i ljudska prava*

---